



لما كنت طفل صُغِيرٌ .. كان يوم عيد ميلادي بالنسبة لي هو "أحلي يوم" في السنة ! .. حفلة كبيرة وهدايا ! ..

كل ده ليه ! .. لأنني شُرفت العالم بإنني اتولدت ! ..

لُكِبِرت شوية .. ودُخِلت المدرسة .. وتَخَيَّلتُ إن "أحلي يوم" في حياتي .. هايكون يوم ما اتفوق في دراستي .. ويختاروني "المطالب المثالي" ! .. وفعلنا حصل ! .. وفرحنا جدا طبعاً ! .. لكن بعد شوية حُسِيت إن مش هو ده اللي أنا بادور عليه ! ...

انتهت دراستي .. وقلت لنفسني : "يَمَكِن" "أحلي يوم" في حياتي .. هايكون يوم ما اشتغل وأكون شخص مستقل ! .. ولما حُدِ يقوللي : هاحرمك من المصروف ! .. ولما حُدِ يقوللي : مافيش خروج بعد الساعة كذا ! .. وفعلنا حصل ! .. واشتغلْتُ .. لكن في المَشْغَل شُفْتُ المَعْجَب ! .. ويا بخت من كان المدير خاله ! .. كله بيقول : ياللا مصلحتي ! .. وشُفْتُ أشخاص معندهاش مانع عشان تطلع درجة .. تطلعها على جُثَّة اللي حواليتها ! ...

بعدها قلت لنفسني : الحياة من غير الحب .. عاملة زي الصحرا ! .. غالباً "أحلي يوم" في حياتي .. هايكون يوم

ما أحب وأتجاوز الشخص اللي بَحُبُّه ! .. أكيد وقتها هامسك نجوم السما بإيدي ! .. وفعلنا حصل ! .. حَبَّيت وإتجَوَّزْتُ .. لكن يا خسارة يا حُب ! .. مالك نش المعشَم ! .. مالقيتش فيك اللي بادور عليه ! ...

قلت لنفسي : العيال ! .. أكيد "أحلي يوم" في حياتي .. هايكون يوم ما ربنا يرزقني بطفل ! .. أكيد هوه الملي هاييع وُضني عن أي خسارة ! ..
وفعلًا حصل ! .. ورزقني ربنا بولد يفرح .. مفرحش إزاي ! .. يا خبر ! ..

ده هوه الغالي ! .. الملي قلبي شافه قبل عيني ! .. لكن ! ..

تعبت وربيت وكبرت .. وفي الآخر .. معلش يا بابا ! .. أصل ظروف الحياة شاغلاني وبعداني عنك ! ...

قعدت مع نفسي .. واسترجعت كل الأحداث الملي مريت بيها في حياتي .. واستغربت جداً .. لأن مافيهاش حاجة أنا أتمنيتها .. ما حصّلتش عليها ! .. ومع كده .. لا مال ولا جمال شبّعني ! .. ولا حسب ولا نسب رواني ! ..

في قرارة نفسي شاعر إنني حزين ومش مرتاح ! .. شوية ظروف حلوة .. بترفعني فوق فوق ! .. وشوية ظروف صعبة .. بتنزلني تحت تحت ! .. أنا فعلاً تعبنا !!! ...

- فجأة ! .. سمعت صوت دمس في ودني بيقول :

" تكثُر أوجاعهم المذنبين أسرعوا وراء آخر " مزمور 4:16 ..

"لأن شعبي عمّل شرّين: تركوني أنا ينبوع المياه الحيّة، لي يقرّوا لأنفسهم آباراً، آباراً مُشَقَّقة لا تَضْبُط ماء" إرميا 2:13

- خُفت ! .. " لأن كلامه كان بسُطان " لوقا 4:32 .. وقلت له : إنت مين ؟! ؟! ...

- " فقال لي : أنا يسوع الذي أنت تَسْتَهِين بوجوده في حياتك " أعمال المرسل 9:5 ..

- سألته بمنتهي السداجة : هوه إنت يسوع بتاع يوم "الحّد" الصُّبح ؟! .. يسوع الملي في الكنيسة !!! ...

- صِ عبت عليه ! .. وبحِ ذان ماشفتوش قبل كده قاللي :

وهوه فيه حاجة تَعَباك ومِزَّة حياتك غير إن إنت فاكِر إن أنا يسوع بتاع يوم المَحَد المِصْبَح بَس !!! ..

لأ يا حبيبي .. أنا يسوع بتاع الماتنين والتلات وكل يوم ! .. أنا يسوع بتاع المعُمر كله ! ...

- ارتَحَتْ له ! .. وقررت أَفْضَضَ له عِ المِلي في قَلبي .. قلت له : أنا تَعَبان ! .. كل ما أتمني حاجة .. بأفضَل وَرَافها لغاية ما أَحصُلُ عليها .. ولما باطولها .. بأشعر إني مِسِكت المِهوا بإيدي ! .. مش لاقِي حاجة تَشْبِعني ! .. مش لاقِي حاجة ترويني ! .. " كل المِأَنهار تَجْري إلى المِبحر ، والمِبحر ليس بِمِأَن " جامعة 7:1 ..

- " فقال يسوع : أنا هو خُبز الحِياة . مَنْ يُقْبِل المِلي فلا يَجوع ، وَمَنْ يُؤْمِن بي فلا يَعْطِش أبداً " يوحنا 6: 35 ..

عشان كده ما تِستَغْرِش إنك جَعان وعطشان ! ...

إنت سِبتِني وِجريت ورا آبار ناشفة ! .. كنت مُتَخَيِّل إن هيه المِلي هاتِسعِدك ! ..

يوم ما ابتديت تِشْتَغَل .. ما أَخَدْتِ نِيش معاك وإنت رايح المِشْغَل ! ..

يوم ما فَكَّرْت تِرتَبَط .. ما أَخَدْتِش رَأْيِي وإنت بتِختار شريك حياتك ! ..

يوم ما رزقتك بطفل .. ما سَأَلْتِ نِيش تِربِّي ابنك إزاي ! ..

مشكلتك كانت دايماً إنك فاكِر إن أنا يسوع المِلي في المِكنيسة بَس ! ..

صَدَقَ إِنِّي كَتِيرَ حَبِّتِكَ .. صَدَقَ إِنِّي عَشَانِكَ جِيتْ

صَدَقَ إِنِّي أَنَا مِسْتَنِّي .. مَهْمَا بَعْدَتْ وَمَهْمَا جَرِيتْ

صَدَقَ إِنِّي رَاحَ أَنَسَى مَاضِيكَ

صَدَقَ إِنِّي رَاحَ أَسْكُنَ فِيكَ

لِيَهْ الْمَهْمُ يَسُودُكَ .. لِيَهْ بِيْحْنِي عُودُكَ

خَلِّينِي أَمْسِكْ إِيْدَكَ .. وَيَبْقِي الْمِيَوْمُ يَوْمَ عَيْدِكَ

" فقالت مريم : هُوَذَا أَنَا أَمَةٌ الرَّبِّ . لِيَكُنْ لِي كَقَوْلِكَ " لوقا 1: 38...

يومها فعلاً كان يوم عيدي !.. يوم الأربعاء 6 مارس 2002 !.. أخيراً لقيتك يا "أحلي يوم" في حياتي !...

وهاتِ فضِّل "أحلي يوم" لغاية ما يبجي الملي "أحلي" منك .. يوم ما هاشوف حبيبي يسوع بالعَْيَان !...

ميلاد يسوع المسيح في العالم .. قسِّم تاريخ البشرية إلي "قبل" و "بعد" الميلاد ..

وميلاده في قلبي .. قسِّم حياتي إلي "قبل" و "بعد" الايمان الحقيقي !...

على فكرة .. مش مُهم يكون فيه تاريخ مُحدَّد في حياتك تكون اتقابلت فيه مع الرب يسوع .. لكن مُهم جداً إن حياتك تكون مقسومة إلي :
"زمان كنت" و "دلوقتي بقيت" !!! ...

- لما الناس ببسألوني : إيه السر ورا التغيير ده كله ؟!؟ ..

- باقول لهم : كلمة السر هيّه : (يسوع إتولد !) ..

- بيقولولي : وإيه الجديد في كده ! .. إنت جيت إيه من عندك ؟! .. ما كلنا عارضين إن (يسوع إتولد) !!! ...

- باقول : فعلاً .. لو الأمر انتهى عند (يسوع إتولد) وبأس .. كنت هافضل أنا زي ما أنا ! .. لكن كلمة السر هيّه : (يسوع إتولد جُوايا !) ...

ووقفت قدام عيني المفضولة ! .. وقلت لها : إفتح يا سِمسِم ! .. قالت لي : إيه كلمة السر ؟ ..

قلت لها : (يسوع إتولد جُوايا !) .. فأنفَحت في الحال ! .. وقالت لي : ياله ! .. أخيراً هاتِبتِدي تشوف إيده الملي

ورا "أي" و "كل" نجاح في حياتك ! .. وإن مش مُخَك الملي يوزن بَلَد هو الملي كان بيحب الديق من ديله ! ...

ووقفت قدام وداني المَسدودة ! .. وقلت لها : إفتح يا سِمسِم ! .. قالت لي : إيه كلمة السر ؟ ..

قلت لها : (يسوع إتولد جُوايا !) .. فأنفَحت في الحال ! .. وقالت لي : ياله ! .. أخيراً هاتِبتِدي تسمَع صوته وهوه متعلّق ع الصليب ..
وبيقول لك : بحبك موت !!! ...

ووقفت قدام شَديتي المفقودة للَقعدة معاه .. وقلت لها : إفتح يا سِمسِم ! .. قالت لي : إيه كلمة السر ؟ ..

قلت لها : (يسوع إتولد جُوايا !) .. فأنفَحت في الحال ! .. وقالت لي : ياله ! .. أخيراً هاتِبتِدي تَفهم إن الحياة من غيره .. لا ليها طعم ولما
لُون !!! ...

ووقفت قدام قلبي المتهجر .. وقلت له : افتح يا سمسم .. قاللي : ايه كلمة السر ؟ ..

قلت له : (يسوع إتولد جوايا!) .. فانفتحت في الحال ! .. وقال لي : ياه ! .. أخيراً هاتبتدي تشعُر بحنيته ! .. أخيراً هاتبتدي تحس بتعزياته و طبطبته عليك وانت بتتألم !!! ...

بأس قلبي بالذات لما إنفتحت قدامي .. شُفت فيه اللي لا يسُرُ عدو ولا حبيب !!! .. فقلت لـ "قلبي" :

يادي المصيبة !!! .. هاعمل فيك إيه ؟! .. ده إنت هاتوديني على جهنم حدف !!! ...

رد قلبي عليّ وقاللي : اطمئن ! .. " في ابتداء تَضَرُّعاتك خَرَجَ الأمر (من عند الرب) ، وأنا جئت لأخبرك لأنك أنت مَحْبُوب " دانيال 23:9 ..
و هاتبقى من طينة غير الطينة ! .. " الملك قد صار جديداً " كورنثوس الثانية 5:17

" زمان كنت " فاكِر إن المعجزة هيه إن ظروفِي تَغَيَّر .. لكن " دلوقتي " اكتشفت إن معجزة المعجزات هيه إن أنا اللي أتغير ! .. إن أنا " أتولد " من جديد .. أهو ده " المعجب " بعينه ! .. ومباش يهمني مكسب أو خسارة .. أصلي كِسْبته هو ! .. ومباش يفرق معايا مين باعني .. أصله اشتراني هو ! ..

وأبسط تغيير .. كان في لهجة كلامي :

" زمان كنت " باقول لربنا : إنت يا رب مش محتاج تَعْمَل مجهود عشان تحبني ! .. أنا أتحب من غير حاجة !!! ...

لكن " دلوقتي " باقول له : يا خبر يا رب ! .. ده إنت " نَفْسَك " حلوة أوي إنك قادر تبص في وش واحد زيي !!! ...

بيقولوا : (إسأل مجرب ولا تسأل طبيب ! ...)

أنا جَرَبْتُ إن يكون عندي كل حاجة .. لكن يسوع مش في المشهد ..

وجَرَبْتُ إن تَسْرِحَ مني حاجة ورا حاجة .. لكن يسوع مالي المشهد .. وطَلَعْتُ بِخُلاصة :

المس ما من غير الرب .. ما تَحَبَّ !!! ... وأتَوْن المزار مع أب حَذُون .. هايهون !!! ...